

Svečano obilježen 22. maj - Dan policije TK

25.05.2010 13:20



Tradicionalno, obilježavanje Dana policije započelo je polaganjem cvijeća ispred zgrade sjedišta MUP TK-a u Tuzli na spomen-obilježje poginulim pripadnicima policije, te postrojanjem i svečanim defileom ešalona policije kroz ulice užeg centra grada Tuzle, nakon čega je upriličena centralna svečana manifestacija, tokom koje je pored obraćanja ministra unutrašnjih poslova prof.dr. Seada Omerbegovića, policijskog komesara Nedima Mutapčića, zamjenika ministra sigurnosti BiH Mije Krešića, potpredsjednice FBiH Spomenke Mičić, predsjednika Skupštine TK-a Amira Fazlića, Premijera TK-a Enesa Mujića, upriličen prigodan kulturno-zabavni program.

Na centralnoj svečanoj manifestaciji održanoj 21.05.2010. godine u prostorijama Radničkog univerziteta u Tuzli, pored službenika MUP TK-a, prisustvovali su predstavnici zakonodavne i izvršne vlasti BiH, Federacije BiH i Tuzlanskog kantona, Agencija za provođenje zakona u BiH, kantonalne i lokalne zajednice, politički dužnosnici, kao i drugi brojni saradnici i gosti.

Povodom "22. maja - Dana policije", ministar unutrašnjih poslova i policijski komesar su tokom svečane manifestacije uručili 3 zlatne (Kasim Sinanović, načelnik PU Lukavac; Osmo Jajičević, načelnik PU Kalesija; Ljubomir Divković, načelnik PU Tuzla i Fadil Šljivić, šef Ureda policijskog komesara) i 4 srebrene policijske značke (Zoran Teofilović, komandir PS Istok, Safet Huseinović, načelnik Inspektorata u Sektoru uniform. policije i Juro Vidović, zamjenik komandira PS Istok), kao i prigodne zahvalnice: Rudnicima uglja "Kreka" Tuzla, Salihu Brkiću, novinaru FTV i gosp.

Fikretu Suljiću, predsjedniku Sindikata rudara Federacije BiH za uspješnu saradnju i podršku u radu Ministarstva. Takođe, pismeno je pohvaljeno 125 službenika MUP TK-a za postignute rezultate u radu i doprinos u ostvarivanju osnovnih funkcija MUP-a Tuzlanskog kantona u proteklom periodu.

I ove godine, veliki broj službenika policije MUP TK-a je redovnim i oprativnim radom na terenu obilježilo 22. maj, koji se već trinaest godina obilježava kao Dan policije TK-a, odnosno od 1997. god., kada je na prijedlog Vlade Tuzlansko-podrinjskog kantona, Skupština Tuzlansko-podrinjskog kantona na sjednici održanoj 22.05.1997.godine donijela Zakon o unutrašnjim poslovima Tuzlansko-podrinjskog kantona, kojim su regulisani poslovi i nadležnosti Ministarstva, organizacija, rukovođenje, kao i druge funkcije neophodne za njegov rad.

*Preuzeto sa web stranice **Ministarstva unutrašnjih poslova Tuzlanskog kantona** - <https://muptk.ba>*